

文

章

辨

體

文章辨體卷之十四

海虞後學吳

歌行

悲歌

古辭

悲歌可以當泣遠望可以當歸思念故鄉鬱鬱壘壘欲歸家無人欲渡河無船心思不能言腸中車輪轉

行路難

南宋鮑明遠

奉君金巵之美酒璚瑀玉匣之彫琴七綵芙蓉之羽帳九華蒲萄之錦衾紅顏零落歲將暮寒光宛轉昔欲沉願君裁悲且減思聽我抵節行路吟不見栢梁銅雀上寧聞古昔清吹音

瀉水置平地各自東西南北流人生亦有命安得行嘆復坐愁酌酒以自寬舉杯斷絕歌路難心非木石豈無惑吞聲躑躅不敢言劉琨染黃絲歷亂不可治我昔與君始相值爾時自謂可

君意結帶與我言死生好惡不相置今日見我顏色衰意中索  
寞與先異還君金釵璫瑁簪不忍見之益愁思

諸君莫歎貧富貴不由人丈夫四十疆而仕余當二十弱冠辰  
莫言草木委大雪會應蘇息遇陽春對酒叙長篇窮途運命委  
皇天但願樽中九醞滿莫惜床頭百箇錢直須優游卒一歲何  
勞辛苦事百年

沐浴子

唐李太白

沐芳莫彈冠浴蘭莫振衣處世忌太潔志人貴藏輝滄滄有釣  
叟吾與爾同歸

秋夜長

王子安

秋夜長殊未央月明白露澄清光層城綺閣遙相望遙相望川  
無梁北風受節南鴈翔崇蘭委質時菊芳鳴環曳履出長廊  
君秋夜擣衣裳纖羅對鳳凰丹綺雙鴛鴦調砧亂杵思自傷征

夫萬里戍他鄉鶴唳音信斷龍門道路長所在天一方寒衣徒  
自香

鬪鷄篇

篇類

魏曹子建

遊目極妙伎清聽厭官商主人寂無爲衆賓進樂方長筵坐戲  
客鬪鷄觀閒房群雄正翕赫雙翹自飛揚揮羽邀清風悍目發  
朱光觜落輕毛散巖距往往傷長鳴入青雲扇翼獨翱翔願蒙  
狸膏助常得擅此場

種葛篇

此篇與七步詩同意

種葛南山下葛蔓自成陰與君初婚時結髮恩義深歡愛在枕  
席宿昔同衣衾竊慕棠棣篇好樂如瑟琴行年將晚暮佳人懷  
異心思紀曠不接我情遂抑沉出門當何顧徘徊步北林下有  
交頸獸仰見雙栖禽攀枝長歎息淚下沾羅襟良馬知我悲延

頸代我吟昔爲同池魚今爲商與參往古皆歡遇我獨困於今  
棄置委天命悠悠安可任

明河篇

唐宋延清

八月涼風天氣晶萬里無雲河漢明昏見南樓清且淺曉落西  
山縱復橫洛陽城闕天中起長河夜夜千門裏複道連甍共蔽  
虧盡堂瓊戶特相宜雲母帳前初汎濫水精簾外轉逶迤倬彼  
昭回如練白復出東城接南陌南北征人去不歸誰家今夜擣  
寒衣鴛鴦機上踈螢度烏鵲橋邊一鴈飛鴈飛螢度愁難歇坐  
見明河漸微沒已能舒卷任浮雲不惜光輝讓流月明河可望  
不可親願得乘槎一問津更將織女支機石還訪成都賣十人

文豹篇贈黃介夫

宋梅聖俞

壯哉南山豹不畏白額虎澤霧毛雖雜鼯鼠朝捋其鬚夜飲乳  
文章子雲久已許還笑丈夫費五殺天子仗中儀物舉尾與旌

常願看取

君道篇

洪武陶中立

龍飛應景運居中攬乾綱百川宗巨海衆星避太陽股肱者誰  
伊與傳爪牙者誰叔與虎玉荀班中列衆賢金馬門中登碩輔  
梧桐生鳳凰鳴四海爲一家於穆

皇風清修禮樂正綱紀

明后復無爲詒謀千萬禩

步虛詞 詞類

北周庾子山

樂府解題曰步虛詞道家曲也備言衆仙縹緲輕  
舉之美

渾成空教立元始正塗開赤玉靈文下朱陵真氣來中天九龍  
館倒景八風臺靈度絃歌響星移空殿迴青衣上少室童子向  
蓬萊逍遙聞四會悠忽度三災

道生乃太一守靜即玄根中和練九氣甲子謝三元居心受善  
水教學重香園危留報關吏鶴去畫城門更以欣無迹還來寄絕言

同前

唐吳真節

衆仙仰靈範肅駕朝神宗金景相照曜逶迤昇太空七玄已高  
飛火鍊生朱宮餘慶逮天壤平和王道融八威清遊氣十絕舞  
祥風使我躋陽源其來自陰功逍遙太霞上真鑒靡不通  
二氣播萬有化機無停輪而我操其端乃能出陶鈞寥寥天漢  
上所遇皆清真澄瑩含元和氣同自相親絳樹結丹實紫霞流  
碧津以茲保童嬰永用超形神

又

宋朱晦菴

靡景廓天津空同無圓方丹神儻七氣孕秀東渟房食吐碧琳  
華仰瞻飛霞漿竦轡絕冥外眄目撫大荒策我綠軒輶上際於  
滄浪神鈞亦寥朗菴靄晨風翔養翮塵波裏縱神非有亡一樂

無終永千椿詎能當

褰裳大度外竦轡霄上游軒觀隨雲起偃駕東亭丘丹黃曜瓊  
圖三素粲曾幽躡景遺塵波偶想即虛柔眎目娛貞際不喜亦  
不憂宴觀三椿期顛徊翳滄流千載何足道大空自然疇

讌客詞

唐張文昌

上客不用顧金羈主人有酒君莫違請君看取園中花地上漸  
多枝上稀山頭樹綠不見石谿水無風應更碧人人齊醉起舞  
時誰覺翻衣與倒幘明朝花盡人已去此地獨來空遶樹

牧童詞

遠牧牛繞村四面禾黍稠陂中饑鳥啄牛背令我不得戲隴頭  
入陂草多牛散行白犢時向蘆中鳴隔堤吹葉應同伴還穀長  
鞭三四聲牛羊食草莫相觸官家截爾頭上角

采菱詞

儲光羲



濁水菱葉肥清水菱葉鮮義不游濁水志士多苦言潮沒具區  
數潦深雲夢田朝隨北風去暮逐南風旋浦口多漁家相與邀  
我船飯稻以終日美蓴將永年方冬水物窮又欲休山樊盡室  
相隨從所貴無憂患

精衛詞

王仲初

精衛誰教爾填海海邊石子青磊磊但得海水作枯池海中魚  
龍何所爲口穿豈爲空銜石山中草木無全枝朝在樹頭暮海  
裏飛多羽折時墮水高山未盡海未平我身雖死子還生

牛宮詞

洪武高季迪

吳地下濕冬寒牛即入欄唐人謂之牛宮

豕豢于苙鷄棲于埘嗟爾烏犍何所止斯歲聿云暮雨霜以風  
乃築環堵以爲爾宮旣用爾力宜恤爾寒庇處密固我心孔女

張節婦詞

誰言妾有夫中路棄妾身先祖誰言妾無子側室生兒與夫似  
兒讀書妾辟繡空房夜夜聞啼鳥兒能成名妾不嫁良人瞑目  
黃泉下

采茶詞

雷過溪山碧雲暖幽叢半吐槍旗短銀釵女兒相應歌篴中摘  
得誰最多歸來清香猶在手高品先將呈太守竹爐新焙未得  
嘗籠盛販與湖南商山家不解種禾黍衣食年年春在春雨

當牆欲高行

行類

魏曹子建

龍欲升天須浮雲人之仕進待中人衆口可以鑠金讒言三至  
慈母不親憤憤俗間不辨僞真願欲披心自說陳君門九重道  
遠河無津

當事君行

人生有所貴尚出門各異情朱紫更相奪色雅鄭異音聲好惡

隨所愛憎追舉逐虛名百心可事一君巧詐寧拙誠

### 鳴鴈行

南宋鮑明遠

雖雖鳴鴈鳴正旦齊行命侶入雲漢中夜相失群離亂留連徘徊不忍散憔悴容儀君不知辛苦霜雪亦何爲

### 同前

唐韓退之

嗷嗷鳴鴈鳴且飛窮秋南去春北歸去寒就暖識所依天長地濶棲息稀風霜酸苦稻粱微羽毛摧落身不肥徘徊反顧群侶遠哀鳴欲下淵渚非江南水濶朝雲多草長沙軟無網羅閑飛靜集鳴相和遠憂懷惠性匪他凌風一舉君謂何

### 悲哉行

晉陸士衡

遊客芳春林春芳傷客心和風飛清響鮮雲垂薄陰蕙草饒淑氣時鳥多好音翩翩鳴鳩羽喈喈倉庚音幽蘭盈通谷長莠被高岑女蘿亦有託蔓葛亦有菲傷哉客遊士憂思一何深目感

隨氣草耳悲詠時禽寤寐多遠念緬然若飛沉願託歸風響寄  
言遺所欽

### 齊謳行

纂要曰齊歌曰謳

營丘負海曲沃野爽且平洪川控河濟崇山入高冥東被姑尤  
側南界聊攝城海物錯萬類陸產尚千名孟諸吞楚夢百二作  
秦京惟師恢東表桓后定周傾天道有迭代人道無久盈鄙哉  
牛山歎未及至人情爽鳩苟已徂吾子安得停行行將微去長  
存非所營

### 吳趨行

崔豹古今注曰吳趨行吳人以歌其地趨步也

楚妃且勿歎齊娥且莫謳四至並清聽聽我歌吳趨吳趨自有  
始請從閭門起閭門何嵯峨飛閣跨通波重櫓承遊極迴軒啓

曲阿藹藹慶雲被泠泠鮮風過山巘多藏育土風清且嘉泰伯  
導仁風仲雍揚其波穆穆延陵子灼灼光諸華王迹頽陽九帝  
功興四遐大皇自富春矯首頓世羅邦彥應運興粲若春林葩  
屬城咸有士吳邑最爲多八族未足侈四姓實名家文德熙淳懿  
武功侔山河禮讓何濟濟流化自滂沱淑美難窮紀商權爲此歌

會吟行

南宋謝靈運

崔豹古今注曰會謂會稽也

六引緩清唱三調宵繁音列筵皆靜寂咸共聆會吟會吟自有  
初請從文命敷敷績壺蕞始刊木至江汜列宿炳天文負海橫  
地里連峰競千仞背流各百里滂地旣粳稻輕雲暖枸杞兩京  
愧佳麗三都豈能似層臺藉中天高墉積崇雉飛燕躍廣途鷁  
首虧清沚肆呈窈窕容路曜嬾嬈子自來彌世代賢達不可紀  
句踐善廢興越叟識行止范蠡出江湖梅福入城市東方就旅

逸梁鴻去桑梓牽綴書土風辭殫意未已

春日行

鮑明遠

獻歲發春吾將行春山茂春日明園中鳥多嘉聲梅始發柳始青  
北舟艫齊棹驚奏採菱歌鹿鳴風微起波微生弦亦發酒亦傾  
入蓮池折桂枝芳抽動芬華披兩相思兩不知

少年行

唐李太白

青雲年少子挾彈章臺左鞍馬四邊開突如流星過金丸落飛鳥  
夜入瓊樓卧夷齊是何人獨守西山餓

古柏行

杜子美

孔明廟前有老柏柯如青銅根如石霜皮溜雨四十圍黛色參天  
二千尺君臣已與時際會樹木猶爲人愛惜雲來氣接巫峽長  
月出寒通雪山白憶昨路繞錦亭東先主武侯同閟宮崔嵬枝幹  
郊原古窈窕丹青戶牖空落落盤踞雖得地冥冥孤高多

烈風扶持自是神明力正直元因造化功大厦如傾要梁棟萬  
牛迴首江山重不露文章世已驚未辭翦伐誰能送苦心豈免  
容螻蟻香葉曾經宿鸞鳳志士幽人莫怨嗟古來才大難爲用

高都護驄馬行

安西都護胡青驄聲價欬然來向東此馬臨陣久無敵與人一  
心成大功功成惠養隨所致飄飄遠自流沙至雄姿未受伏櫪  
恩猛氣猶思戰場利腕促蹄高如踣鐵交河幾蹴曾冰裂五花  
散作雲滿身萬里方看汗流血長安壯兒不敢騎走過掣電傾  
城知青絲絡頭爲君老何由却出橫門道

漢陂行

岑參兄弟皆好奇携我遠來遊漢陂天地黯慘忽異色波濤瀾  
頭推琉璃琉璃漫汗泛舟入事殊興極憂思集鼉作鯨吞不復  
知惡風白浪何嗟及主人錦帆相爲開舟子喜甚無氛埃見

散亂裊飄發絲管啁啾空翠來沈竿續蔓深莫測菱葉荷花淨  
如拭宛在中流渤澥清下歸無極終南黑半陂已南純浸山動  
影曩窺冲融間船舷冥冥雲際寺水面月出藍田關比時驪龍  
亦吐珠馮夷擊鼓群龍趨湘妃漢女出歌舞金支翠旗光有無  
咫尺但愁雷雨至滄茫不曉神靈意少壯幾時柰老何向來哀  
樂何其多

### 驄馬行

鄧公馬癖人共知初得花驄大宛種夙昔傳聞思一見牽來左  
右神皆竦雄姿逸態何嶮嶮顧影驕嘶自矜寵兩目清熒夾鏡  
懸肉鬣硯礪連錢動朝來少試華軒下未覺千金滿高價赤汗  
微生白雪毛銀鞍却覆香羅帕卿家舊物公能取天廐真龍此  
其亞晝洗湏騰涇渭深夕趨可刷幽并夜吾聞良驥老始成此  
馬數年人更驚豈有四蹄疾於鳥不與八駿俱先鳴時俗造次



那得致雲霧晦冥方降精近聞下詔喧都邑肯使麒麟地上行  
白絲行

綠絲須長不須白越羅蜀錦金粟尺象牀玉手亂殷紅萬草千  
花動凝碧已悲素質隨時染裂下鳴機色相射美人細意熨帖  
平裁縫減盡針線跡春天衣着爲君舞蛺蝶飛來黃鸝語落絮  
遊絲亦有情隨風照日宜輕舉香汗清塵汗顏色開新合故置  
何許君不見才士汲引難恐懼棄捐忍羈旅

縛鷄行

小奴縛鷄向市賣鷄被縛急相喧爭家中厭鷄食蟲蠹不知鷄  
賣還遭烹蟲鷄於人何厚薄吾叱奴人解其縛鷄蟲得失無干  
時注目寒江倚山閣

短歌行贈王郎司直

王郎酒酣拔劍斫地歌莫哀我能拔爾抑塞磊落之奇才豫樟

朔風白日動鯨魚  
跋浪滄溟開且脫  
劒佩休徘徊西得  
諸侯棹錦水欲向  
何門跋珠履仲宣  
樓頭春已深青眼  
高歌望吾子眼中  
之人吾老矣

入奏行贈西山檢察竇待御

竇待御驥之子鳳之雛  
年未三十忠義俱骨鯁  
絕代無烟如一段  
青冰出萬壑置在迎  
風寒露之王壺蔗漿  
歸厨金盃凍洗滌  
煩熱足以寧君軀  
政用踈通合典則  
威聯豪貴耽文儒  
兵革未息人未蘇  
天子亦念西南隅  
吐蕃憑陵氣頗驍  
竇氏檢察應時須  
運糧繩橋壯士喜  
斬木火井窮猿呼  
八州刺史思一戰  
三城守邊却可圖  
此行入奏計未小  
密奉聖旨恩應殊  
繡衣春當霄漢立  
綵服日向庭闈趨  
省郎京尹必俯拾  
江花未落還成都  
江花未落還成都  
肯訪浣花老翁無  
爲君酤酒滿眼酤  
與奴白飯馬青芻

洗兵馬行

中興諸將收山東。捷書夜報清晝同。河廣傳聞一輩過。胡危命  
在破竹中。祇殘鄴城不日得。獨任朔方無限功。京師皆騎汗血  
馬。回紇餒肉蒲萄宮。已喜皇威清海岱。常思仙仗過崆峒。三年  
笛裏關山月。萬國兵前草木風。成王功大心轉小。郭相謀深古  
來少。司徒清鑒懸明鏡。尚書氣與秋天杳。二三豪俊爲時出。整  
頓乾坤濟時了。東走無復憶鱸魚。南飛覺有安巢鳥。青春復隨  
冠冕入。紫禁正耐烟花繞。鶴駕通霄鳳輦備。鷄鳴問寢龍樓曉。  
攀龍附鳳勢莫當。天下盡化爲侯王。汝等豈知蒙帝力。時來不  
得誇身強。關中旣留蕭丞相。幕下復用張子房。張公一生江海  
客。身長九尺鬚眉蒼。徵起適遇風雲會。扶顛始知籌策良。青袍  
白馬更何有。後漢今周喜再昌。寸地尺天皆入貢。奇祥異瑞爭  
來送。不知何國致白環。復道諸山得銀甕。隱士休歌紫芝曲。詞

人解撰河清頌田家望望惜雨乾布穀處處催春種淇上健兒  
歸莫嫌城南思婦愁多夢安得壯士挽天河洗洗甲兵長不用  
觀公孫大娘弟子舞劍器行

昔有佳人公孫氏一舞劍氣動四方觀者如山色沮喪天地爲  
之久低昂燿如羿射九日落矯如群帝驂龍翔來如雷霆收震  
怒罷如江海凝清光絳脣珠袖兩寂寞晚有弟子傳芬芳臨穎  
美人在白帝妙舞此曲神揚揚與余問答既有以感時撫事增  
惋傷先帝侍女八千人公孫劍器初第一五十年間似反掌風  
塵瀕洞昏王室梨園弟子散如煙女樂餘姿映寒日金粟堆南  
木已拱瞿唐石城草蕭瑟玳筵急管曲復終樂極哀來月東出  
老夫不知其所往足蘭荒山轉愁疾

桃源行

王摩詰

漁舟逐水愛山春兩岸桃花夾去津坐看紅樹不知遠行盡青

溪不見人。山口潛行始隈隩。山開曠望旋平陸。遙看一處攢雲  
樹。近入千家散花竹。樵客初傳漢姓名。居人未改秦衣服。居人  
共住武陵源。還從物外起田園。月明松下房櫳靜。日出雲中鷄  
犬喧。驚聞俗客爭來集。競引還家問鄉邑。平明閭巷掃花開。薄  
暮漁樵乘水入。初因避地去人間。更聞成仙遂不還。峽裏誰知  
有人事。世中遙望空雲山。不疑靈境難聞見。塵心未盡思鄉縣。  
出洞無論隔山水。辭家終擬長游衍。自謂經過夜不迷。安知峰  
壑今來變。當時只記入山深。青谿幾度到雲林。春來徧是桃花  
水。不辯仙源何處尋。

嗟哉董生行

韓退之

淮水出桐栢山東。馳遙遙千里。不能休。淝水出其側。不能千里。  
百里入淮流。壽州屬縣有安豐。唐貞元時。縣人董生。召南隱居。  
行義於其中。刺史不能薦。天子不聞名。聲爵祿不及門。門外惟

有吏日來徵租更索錢嗟哉董生朝出耕夜歸讀古人書盡日  
不得息或山而樵或水而漁入厨具甘旨上堂問起居父母不  
戚戚妻子不咨咨嗟哉董生孝且慈人不識惟有天翁知生祥  
下瑞無休期家有狗乳出求食雞來哺其兒咏咏庭中拾蟲蟻  
哺之不食鳴聲悲傍徨躑躅久不去以翼來覆待狗歸嗟哉董  
生誰將與儔時之人夫妻相虐兄弟爲讐食君之祿而令父母  
愁亦獨何心嗟哉董生無與儔

桃源行

宋王介甫

望夷宮中鹿爲馬秦人半死長城下避世不獨商山翁亦有桃  
源種桃者一來種桃不記春采花食實枝爲薪兒孫生長與世  
隔知有父子無君臣漁郎放舟迷遠近花間忽見驚相問世上  
空知古有秦山中豈料今爲晉聞道長安吹戰塵東風回首亦  
沾巾重華一去寧復得天下紛紛經幾秦

三鳳行贈海東之下第兩歸

元虞伯生

海東之兄第三人如鳳凰胸臆羽翮皆文章九年三入天門翔  
伯冲天季驚人一日四海皆知名東之之文五色雲見者眩晃  
生眇昏三進三已之了若耳不聞二人得之喜未足云東之不  
慍乃可尊東書江上歸見親君子之樂樂最真君不見匡廬之  
山嶮崿而嵯峨左界平豫章諸川會爲蠡鄱其陰千源浩浩導  
岷經潛沱山氣束鬱不得去上衝爲紫蓋直與天相摩爲雲覆  
八極爲雨漲九河海東之子能觀山以成德其進蓋未易量也  
偶爾小出奈爾何

偃松行

洪武高季迪

在天平山西舊文正書院前

龍門西面魏公祠祠前有松多古枝長身蜿蜒橫數畝巨石作  
枕相撐撐春泥半封朽死四有凍鮮盡裂皴生皮無心昂聳上霄

漢偃仰獨向荒山墮蟄雷破岳撼不動千載一夢醒何擇政如  
卧龍未起日深意有待風雲期太湖月出照凌魄天峰雪積埋  
寒姿清聲時吼若斯息野老驚起山僧疑有伴石石多異態天  
自出巧非人爲畫師安能把筆寫嶠半豈敢持斤窺杜陵枯桷  
已憔悴蜀相老柏非魏奇何如此樹惟且壽呵衛定想煩靈祇  
不知已闕幾人代潯客過盡今存誰明堂屢興不見取得全正  
愛同支離我嘗來親忍遽反醉坐其上高吟詩葛陂筍竹亦騰  
化神物終去可又焉何當一叱使飛起載我萬里游天池他年  
還訪舊城郭正是白鶴歸來時

韋諷錄事宅觀曹將軍畫馬圖方引頰唐杜子美

國初以來畫鞍馬神妙獨數江都王將軍得名三十載人間又  
見真乘黃曾親先帝照夜白龍池十日飛霹靂內府殷紅馬腦  
盤婕妤傳詔才人索盛賜將軍拜舞歸輕紈細綺相追飛貴戚



權門得筆跡始覺屏障生光輝昔日太宗拳毛騮近時郭家師  
子花今之新圖有二馬復令識者歎嗟此皆騎戰一敵萬縞  
素漠漠開風沙其餘七疋亦殊絕迥若寒空動烟雪霜蹄蹴踏  
長楸間馬官廐養森成列可憐九馬爭神駿顧視清高氣深隱  
借問苦心愛者誰後有韋諷前支遁憶昔巡幸營新豐翠華拂  
天來向東騰驤磊落三萬疋皆與此圖筋骨同自從獻寶朝河  
宗無復射蛟江水中君不見金粟堆前松柏裏龍媒去盡嘶風

丹青引贈曹將軍霸

將軍魏武之子孫於今爲庶爲清門英雄割據雖已矣文采風  
流今尚存學書初學衛夫人但恨無過王右軍丹青不知老將  
至富貴於我如浮雲開元之中常引見承恩數上南薰殿凌煙  
功臣少顏色將軍下筆開生面良相頭上進賢冠猛將腰間大  
羽箭褒公鄂公毛髮動英靈颯爽來酣戰先帝天馬玉花驄畫

工如山貌不同。是日牽來赤墀下。迥立閭闔生長風。詔謂將軍  
拂絹素。意匠慘淡經營中。斯真九重真龍出。一洗萬古凡馬空。  
玉花却在御榻上。榻上庭前屹相向。至尊含笑催賜金。圉人太  
僕皆惆悵。弟子韓幹早入室。亦能畫馬窮殊相。幹惟畫肉不畫  
骨。忍使驂驪氣凋喪。將軍盡善盡有神。必逢佳士亦爲真。即今  
漂泊干戈際。屢貌尋常行路人。途窮返遭俗眼白。世上未有如  
公貧。但看古來盛名下。終日坎壈纏其身。

桃竹杖引贈章留後

江心蟠石生桃竹。蒼波噴浸尺度足。斬根削皮如紫玉。江妃火  
仙借不得。梓潼使君開一東。滿堂賓客皆歎息。憐我老病贈兩  
莖。出入爪甲鏗有聲。老夫復欲東南征。乘濤鼓枻白帝城。路幽  
必爲鬼神奪。杖劍或與蛟龍爭。重爲告曰。杖兮杖兮。爾之生也  
甚正直。慎勿見水踊躍學變化。爲龍使我不得爾之扶持。戒跡

於君山湖上之青峯噫風塵傾洞兮豺虎咬人忽失雙杖兮吾  
將曷從

感古引有序

元子介翁

孔明梁父吟深不滿於齊相嗚呼天若祚漢孔明  
不死天下事未可知吾於此重不滿焉

建安天下如潰瓜一榻之外非吾家黃屋飄飄定何許龍爲魚  
兮鼠爲虎老瞞詐力敢欺天朵順羊鼎方垂涎紫髯將軍一攘  
臂控荆引越三千里慷慨山東大耳兒南飛烏鵲樓無枝草廬  
一語君臣契目中久矣無吳魏堂堂大義凜不磨靈關劒閣爭  
嵯峨昨夜西南一星落六尺之孤竟誰托渭水旌旗歸故都江  
上空存八陣圖抱膝長歌出師表古柏蒼蒼爲誰老

望僊引

洪武宋景瀛

橫塘風斷愁紅淺舊燕銜春香滿滿鶴馭遙空不可攀繡宸斜

張香夢懶暖簾不到茱萸帳寶露空薄五雲怨風前白髮幾人  
悲萬里青蘋一時晚銅僊含淚辭青瑣渺渺空嗟西日短弱  
無力不勝航騎龍難到白雲鄉玉棺琢成已三載欲葬神仙歸  
北邙

四時吟

吟類

晉陶淵明

春水滿四澤夏雪多奇峰秋月揚明輝冬嶺秀孤松

遊子吟

唐孟東野

慈母手中線遊子身上衣臨行密密縫意恐遲遲歸誰言寸草  
心報得三春暉

金陵城西樓月下吟

李太白

金陵夜寂涼風發獨上高樓望吳越白雲映水搖秋城白露垂  
珠滴秋月月下長吟久不歸古今相接眼中稀解道澄江靜如  
練令人却憶謝玄暉

百舌吟

劉禹錫

曉星寥落春雲低。初聞百舌間。啼花枝。滿空迷。處所搖動繁。  
英墜紅雨。笙簧百轉音韻多。黃鸝吞聲。燕無語。東方朝日遲遲。  
升迎風弄景。如自驚。數聲不盡。又飛去。何許相逢。綠楊路。綿蠻  
宛轉似娛人。一心百舌。何紛紜。酡顏俠少。停歌聽墮珥。妖姬和  
睡。聞可憐。光景何時盡。誰能低徊避鷹隼。廷尉張羅自不關。潘  
郎挾彈無情損。天生羽族爾何微。舌端萬變乘春暉。南方朱鳥  
一朝見。索寞無言高下飛。

清夜吟

宋邵康節

月到天心處。風來水面時。一般清意味。料得少人知。

織女吟贈黃進賢

洪武劉子高

憶昔束髮初。嬌倚雲錦機。折花事戲劇。笑託身上衣。一從十五  
時。學向機中織。絲短愁苦長。梭緩心轉急。永夜闌燈懸。洞房門

前牕葉零秋霜霜寒手凍絲緒亂絡緯悲啼金井牀春花更疊  
黃金縷花底青鸞蹴烟霧東風何日上天來擬奉瑤池宴歌舞  
十日滿匹恒苦遲一夕停梭生網絲持刀沉吟剪秋水粉泪欲  
落愁風吹遠懷素心人邈在千里道何由托交歡持此永相保  
東隣小姬昔同年至今盛飾爲母憐幾回月高鳴杼軸正是他  
家夜彈曲

寄遠曲

曲類

唐王仲初

美人別來無處所巫山月明湘江雨千回想見不分明非底看  
星夢中語兩心相對尚難知何況萬里不相疑

憶長安曲

岑參

東望望長安正值日初出長安不可見但見長安日長安何處  
在只在馬蹄下明日歸長安爲君急走馬

聽鶯曲

韋應物

東方欲曙花冥冥啼鴛相喚亦可聽乍去乍來時近遠纔聞南  
陌又東城忽自上林翻下苑綿綿蠻蠻如有情欲轉不轉意自  
嬌羌兒弄笛曲未調前聲後聲不相及秦女學箏指猶澁須臾  
風暖朝日暎流音變作百鳥喧誰家嬾婦驚殘夢何處愁人憶  
故園伯勞飛過聲踣促戴勝下時桑田綠不及流鶯日日啼花  
間能使萬家春意闌有時斷續聽不了飛去花枝猶裊裊還棲  
碧樹鎖千門春滿方殘一聲曉

鴉鵂曲

宋歐陽永叔

龍樓鳳閣鬱崢嶸深宮不聞更漏聲紅紗蠟燭愁夜短綠窓鴉  
鵂催天明一聲兩聲人漸起金井曉轆聞汲水三聲四聲促嚴  
粧紅靴玉帶奉君王萬年枝軟風露濕上下枝間聲轉急南衙  
促仗三衛列九門放鑰千官入重城禁籞瑣池臺此鳥飛從何  
處來君不見潁河東岸村陂濶山禽野鳥常嘲啞田家惟聽夏

鷄聲夜夜壠頭耕曉月可憐此樂獨吾知眷戀君恩今白髮

採桑曲

洪武宋仲珩

桑芽露春微似粟小姑把蠶試新浴素翎頻掃細於蟻嫩葉纖  
纖初上指朝採桑暮採桑採桑不得盈頃筐差將辛苦向姑語  
妾命自知桑葉比家中蠶早未成眠大姑已賣新絲錢岸上何  
人紫花馬馬卻欲拋金桑樹下

天馬歌

歌類

唐李太白

天馬來出月氏窟背爲虎文龍翼骨嘶青雲振綠髮蘭筋權  
奇走城沒騰崑崙歷西極四足無一蹶鷄鳴刷燕哺秣越神行  
雷遁蹶慌惚天馬呼飛龍趨目明長庚臆雙鳬尾如流星首渴  
馬口噴紅光汗溝珠曾陪時龍躡天衢羈金絡月照皇都逸氣  
稜稜凌九區白壁如山誰敢沽回頭笑紫燕但覺爾輩愚天馬  
奔戀君軒駉躍驚矯浮雲翻萬里足躑躅遙瞻閭闔門不逢寒



風子誰採逸景孫白雲在青天  
元陵遠崔嵬鹽車上峻坂倒行  
逆施畏日晚伯樂翦拂中道遺  
少盡其力老棄之願逢田子方  
惻然爲我悲雖有玉山禾不能  
療苦饑嚴霜五月凋桂枝伏櫪  
街寬摧兩眉請君贖獻穆天子  
猶堪弄影舞瑤池

一侍從宜春苑奉詔賦龍池柳色聽新鶯百轉歌

東風已綠瀛洲草紫殿紅樓覺  
春好池南柳色半青青紫烟裊  
娜拂綺城垂絲百尺挂雕楹上  
有好鳥相和鳴間關早得春風  
情春風卷入碧雲去千門萬戶  
皆春聲是時君王在鎬京五雲  
垂暉耀紫清仗出金宮隨日轉  
天回玉輦繞花行始向蓬萊看  
舞鶴還過苑石聽新鶯新鶯飛  
繞上林苑願入簫韶雜鳳笙

元丹丘歌

元丹丘愛神仙朝飲潁川之清  
流暮還嵩岑之紫烟三十六峯  
長周旋長周旋躡星虹身騎飛  
龍耳生風橫河跨海與天通我

知爾遊心無窮

峨眉山月歌送蜀僧安入中京

我在巴東三峽時。西看明月憶峨眉。月出峨眉照滄海。與人萬里長相隨。黃鸝樓前月華白。此中忽見峨眉客。峨眉山人月還送。君風吹西到長安。陌長安大道橫九天。峨眉山月照秦川。黃金獅子乘高座。白玉麈尾談重玄。我似浮雲滯吳越。君逢聖主遊丹闕。一振高名滿帝都。歸時還弄峨眉月。

飲中八仙歌

杜子美

知章騎馬似乘船。眼花落井水底眠。汝陽三斗始朝天。道逢麴車口流涎。恨不移封向酒泉。左相日興費萬錢。飲如長鯨吸百川。銜杯樂聖稱避賢。宗之蕭灑美少年。舉觴白眼望青天。皎如玉樹臨風前。蘇晉長齋繡佛前。醉中往往愛逃禪。李白斗酒詩百篇。長安市上酒家眠。天子呼來不上船。自稱臣是酒中仙。張

旭三杯草聖傳。脫帽露頂王公前。揮毫落紙如雲烟。焦遂五斗方卓然。高談雄辯驚四筵。

奉先劉少府新畫山水障歌

堂上不合生楓樹。恠底江山起烟霧。聞君掃卻赤縣圖。乘興遺畫滄州趣。畫師亦無數。好手不可遇。對此融心神。知君重毫素。豈但祁岳與鄭虔。筆跡遠過楊契丹。得非玄圃裂。無乃瀟湘翻。悄然坐我二姥下。耳邊已似聞清猿。反思前夜風雨急。乃是蒲城鬼神入。氣淋漓障猶濕。真宰上訴天。應泣野亭春。還雜花遠漁翁。瞑踏孤舟立。滄浪水深青冥闊。歌岸側。島秋毫末不見。湘妃鼓瑟時。至今班竹臨江汭。劉侯天機精愛畫。入骨髓自有兩兒郎。揮灑亦莫比。大兒聰明到能添。老樹巖崖裏。小兒心孔開。貌得山僧及童子。若耶溪雲門寺。吾獨胡爲在泥滓。青鞋布襪從此始。

天育驃騎歌

吾聞天子之馬走千里今之畫圖無乃是何意態雄且傑  
驂尾蕭梢朔風起毛爲綠縹兩耳黃眼有紫焰雙瞳方矯矯  
龍性合變化卓立天骨森開張伊昔太僕張景順考牧攻駒閱清峻  
遂令大奴字天育別養驥子憐神俊當時四十萬匹馬張公歎  
其材盡下故獨寫真傳世人見之座右久更新年多物化空形  
影嗚呼健步無由騁如今豈無騷裏與驂騑時無王良伯樂死  
即休

題壁上韋偃畫馬歌

韋侯別我有所適知我憐君畫無敵戲拈秃筆掃驂騑欵見麒麟  
出東壁一匹斃草一匹嘶坐看千里當霜蹄時危安得真致  
此與人同生亦同死

戲題王宰畫山水圖歌

十日盡一水五日盡一石能事不受相促迫王宰始肯留真跡  
壯哉崑崙方壺圖挂君高堂之素壁巴陵洞庭日本東赤岸水  
與銀河通中有雲氣隨飛龍舟人漁子入浦淑山木盡亞洪濤  
風尤工遠勢古莫比咫尺應須論萬里焉得并州快剪刀剪取  
吳松半江水

戲韋偃爲雙松圖歌

天下幾人盡古松畢宏已老韋偃少絕筆長風起鐵索滿堂動  
色嗟神妙兩株慘裂苦薛皮屈鐵交錯迴高枝白摧朽實龍虎  
死黑入太陰雷雨垂松根胡僧憇寂寞龐眉皓首無住著偏袒  
右肩露雙脚葉裏松子僧前落韋侯韋侯數相見我有一疋好  
東絹重之不減錦繡段已令拂拭光凌亂請公放筆爲直幹

徐卿二子歌

君不見徐卿二子生絕竒感應吉夢相追隨孔子釋氏親抱送

並是天上麒麟兒。太兒九齡色清澈。秋水爲神玉爲骨。小兒五  
歲氣食牛滿堂。賓客皆回頭。吾知徐公百不憂。積善衮衮生公  
侯。丈夫生兒有如此。二雛者名位豈肯卑。微休

茅屋爲秋風所破歌

八月秋高風怒號。卷我屋上三重茅。茅飛度江灑江郊。高者挂  
罾長林梢。下者飄轉沉塘坳。南村群童欺我老無力。忍能對面  
爲盜賊。公然抱茅入竹去。唇焦口燥呼不得。歸來倚杖自歎息。  
俄頃風定雲墨色。秋天漠漠向昏黑。布衾多年冷似鐵。嬌兒惡  
卧踏裏裂。床床屋漏無乾處。雨脚如麻未斷絕。自經喪亂少睡  
眠。長夜沾濕何由徹。安得廣廈千萬間。大庇天下寒士俱歡顏。  
風雨不動安如山。嗚呼何時眼前突兀見此屋。吾廬獨破受凍  
死亦足。

李潮八分小篆歌

蒼頡鳥跡既茫昧字體變化如浮雲陳倉石鼓久以訛大小二篆生八分秦有李斯漢蔡邕中間作者寂不聞嶧山之碑野火焚棗木傳刻肥失真苦縣光和尚骨立書貴瘦硬方通神惜哉李蔡不復得吾甥李潮下筆親尚書韓擇木騎曹蔡有隣開元以來數八分潮也奄有二子成三人况潮小篆逼秦相快劒長戟森相向八分一字直百金蛟龍盤拏肉屈強吳郡張顛誇草書草書非古空雄壯豈知吾甥不流宕丞相中郎丈人行已東逢李潮逾月求我歌我今衰老才力薄潮乎潮乎柰汝何

乾元中寓居同谷縣作歌七首

有客有客字子美白頭亂髮垂過耳歲拾橡栗隨徂公天寒日暮山谷裏中原無書歸不得手脚凍皴皮肉死嗚呼一歌兮歌已哀悲風爲我從天來

長鑱長鑱白木柄我生託子以爲命黃精無苗山雪盛短衣數

挽不掩脛此時與子空歸來男呻女吟四壁靜嗚呼二歌兮歌  
始放閭里爲我色惆悵

有節有義在遠方三人各瘦何人強生別展轉不相見胡塵暗  
天道路長東飛駕鵝後鵝鵠安得送我至汝傍嗚呼三歌兮歌  
三發汝歸何處收兄骨

有妹有妹在鍾離良人早歿諸孤癡長淮浪高蛟龍怒十年不  
見來何時扁舟欲往箭滿眼杳杳南國多旌旗嗚呼四歌兮歌  
四奏竹林猿爲我啼清晝

四山多風溪水急寒雨颯颯枯樹濕黃蒿古城雲不開白狐跳  
梁黃孤立我生胡爲在窮谷中夜起坐萬感集嗚呼五歌兮歌  
正長魂招不來歸故鄉

南有龍今在山湫古木龍莖枝相樛木葉黃落龍正蟄蝮蛇東  
來水上遊我行恠此安敢出援劍欲斬且復休嗚呼六歌兮歌



思遲溪壑爲我迴春姿

男兒生不成名身已老三年飢走荒山道長安卿相多少年富貴應須致身早山中儒生舊相識但話宿昔傷懷抱嗚呼七歌兮悄終曲仰視皇天白日速

古劍歌

郭元振

君不見昆吾鐵冶飛炎烟紅光紫氣俱赫然良工鍛鍊凡幾年鑄得寶劍名龍泉龍泉顏色如霜雪良工嗟咨歎奇絕瑠璃王匣吐蓮花錯鏤金環生明月正逢天下無風塵幸得用防君子身精光黯黯青蛇色文章片片綠龜鱗非直結交遊俠子亦曾親近英雄人何言中路遭弃捐零落飄淪古獄邊雖復沉埋無所用猶能夜夜氣衝天

愛敬寺古藤歌

李頎

古藤池水盤樹根左攬右拏龍虎蹲橫空直上相凌突丰茸離

纏若無骨風雷霹靂連黑枝人言其下藏妖魑空庭落葉乍開  
合十月苦寒常倒垂憶昨花飛滿空殿密葉吹香飯僧徧南階  
雙桐一百尺相與年年老霜霰

韋員外家花樹歌

岑參

今年花似去年好去年人到今年老始知人老不如花可惜落  
花君莫掃君家兄弟不可當列卿御史尚書郎朝回花底恒會  
客花樣玉缸春酒香

衛節度赤驃馬歌

君家赤驃畫不得一團旋風桃花色紅纓紫鞵珊瑚鞭玉鞍錦  
韉黃金勒請君鞚出看君騎尾長窳地如紅絲自矜諸馬皆不  
及却憶百金初買時香街紫陌鳳城內滿城見者誰不愛揚鞭  
驟急白汗流弄影行驕碧蹄碎紫髯胡雛金剪刀平明剪出三  
駿高櫪上看時獨意氣衆中牽出偏雄豪騎將獵向南山口城

南狐兔不復有草頭一點疾如飛卻使蒼鷹繼向後憶昨看君  
朝未央鳴珂擁蓋滿路香始知邊將真富貴可憐人馬相輝光  
男兒稱意得如此駿馬長鳴北風起待君東去掃胡塵爲君一  
日行千里

石鼓歌

韓退之

張生手持石鼓文勸我試作石鼓歌少陵無人謫仙死才薄將  
柰石鼓何周綱陵遲四海沸宣王憤起揮天戈大開明堂受朝  
賀諸侯劔珮鳴相磨蒐于岐陽騁雄俊萬里禽獸皆遮羅鐫功  
勒成告萬世鑿石作鼓簾嗟峨從臣才藝咸第一揀選撰刻留  
山阿雨淋日炙野火燒鬼物守護煩撓訶公從何處得紙本毫  
髮盡備無差訛詞嚴義密讀難曉字體不類隸與蝌年深豈免  
有缺畫挾劔斫斷生蛟鼉鸞翔鳳翥衆仙下珊瑚碧樹交枝柯  
金繩鐵索鎖紐壯古鼎躍水龍騰梭匱儒編詩不收入二雅編

迫無委蛇。孔子西行不到秦。擣摭星宿遺羲娥。曉予好古生苦  
晚。對此涕淚雙滂沱。憶昔初蒙博士徵。其年始改稱元和。故人  
從軍在右輔。爲我量度掘臼科。濯冠沐浴告祭酒。如此至寶存  
豈多。託卮席舉可立致。十鼓祇載數駱駝。薦諸太廟比部典光  
價。豈止百陪過。聖恩若許留太學。諸生講解得切磋。觀經鴻都  
尚填咽。坐見舉國來奔波。剝苔剔蘚露節角。安置妥帖平不頗。  
大厦深簷與蓋覆。經歷久遠期無他。中朝大官老於事。詎肯感  
激徒媿阿。牧童敲火牛礪角。誰復著手爲摩挲。日消月鑠就埋  
沒。六年西顧空吟哦。羲之俗書趁姿媚。數紙尚可博白鵝。繼周  
八代爭戰罷。無人收拾理則那。方今太平日無事。柄任儒術崇  
丘軻。安能以此尚論列。願借辨口如懸河。石鼓之歌止於此。嗚  
呼吾意其蹉跎。

茶歌

盧仝

日高文五睡正濃軍將扣門驚周公口傳誥議送書信白綰斜  
封三道印開緘宛見諫議面首閱月團三百片聞道新年入山  
裏蛩蟲驚動春風起天子須嘗陽羨茶百草不敢先開花仁風  
暗結珠蔕蕾先春抽出黃金芽摘鮮焙芳旋封裹至精至好且  
不奢至尊之餘合王公何事便到山人家柴門反關無俗客紗  
帽籠頭自煎喫碧雲引風吹不斷白花浮光凝碗面一碗喉吻  
潤二碗破孤悶三碗搜枯腸惟有文字五千卷四碗發輕汗平  
生不平事盡向毛孔散五碗肌骨清六碗通仙靈七碗喫不得  
也惟覺兩腋習習清風生蓬萊山在何處玉川子乘此清風欲  
歸去山上群仙司下土地位清高隔風雨安得知百萬億蒼生  
命墮顛崖受辛苦便從諫議問蒼生到頭合得蘇息否

唐七德舞歌

白樂天

七德舞七德歌傳自武德至元和元和臣白居易觀舞聽歌

知樂意曲終稽首陳其事太宗十八舉義兵白旄黃鉞定兩京  
擒充戮竇四海清二十有四功業成二十有九即帝位三十有  
五致太平功成理定何神速速在推心致人腹亡卒遺骸散帛  
收饑人賣子分金贖魏徵夢見天子泣張謹哀聞辰日哭怨女  
三千放出宮死囚四百來歸獄剪鬚燒藥賜功臣李勣嗚咽思  
殺身含血吮瘡撫戰士思摩奮呼乞效死則知不獨善戰善乘  
時以心感人人心歸爾來一百九十載天下至今歌舞之歌七  
德舞七德聖人有作焉無極豈徒耀神武豈徒誇聖文太宗意  
在陳王業王業艱難示子孫

廬山高歌贈同年劉中允歸南康

宋歐陽永叔

廬山高哉幾千仞今根盤幾百里巖然屹立乎長江長江西來  
走其下是爲揚瀾左里今洪濤巨浪日夕相舂撞雲消風止水  
鏡靜泊舟登岸而遠望今上摩青蒼卧晡霞下壓后土之鴻龐

試往造乎其間今攀緣石磴窺空腔千巖萬壑響松檜懸崖巨  
石飛流淙水聲聒聒亂入語六月飛雪灑石缸仙公釋子亦往  
往而逢今吾嘗惡其學幻而言哢但見丹崖翠壁遠近映樓閣  
晨鍾暮鼓杳靄羅幃幢幽花野草不知其名今風吹露濕香澗  
谷時有白鶴飛來雙幽尋遠去不可極便欲絕世遺紛厖羨君  
買田築室老其下插秧盈疇今釀酒盈缸欲令浮嵐暖翠千萬  
狀坐卧常對手軒窓君懷磊珂有至寶世俗不辨珉與玳策名  
爲吏二十載青山白首困一邦寵榮聲利不可以苟屈今自非  
青雲白石有深趣其氣兀砭何由降丈夫壯節似君少嗟我欲  
說安得巨筆如長杠

牧牛兒歌

張文潛

牧牛兒遠陂牧遠陂牧牛芳草綠兒怒掉鞭牛不觸澗邊柳古  
南風清麥深蔽目田野平烏犍礪角逐草行老特卧噍飢不鳴

犢兒跳梁沒草去隔林應母時一聲老翁念兒自携餉出門先  
上岡頭望日斜風雨濕簑衣拍手唱歌尋伴歸遠村放牧風日  
薄近村牧牛泥水惡珠璣燕趙兒不知兒生但知牛背樂

六歌

文宋瑞

宋瑞名天祥宋狀元右丞相國亡盡節而死

有妻有妻出糟糠自少結髮不下堂亂離中道逢虎狼鳳飛翾  
翾失其凰將雛一一去何方豈料國破家亦亡不忍捨君羅襪  
裳天長地遠終茫茫牛女夜夜遙相望嗚呼一歌兮歌正長悲  
風北來起徬徨

有妹有妹家流離良人去後携諸兒北風吹沙塞草萋窮猿慘  
淡將安歸去年哭母南海湄三男一女同歔歔惟汝不在割我  
肌汝家零落母不知母知豈有瞑目時嗚呼再歌兮歌孔悲鵠  
鵠在原我何爲



有女有女婉清揚大者學帖臨鍾王小者讀字聲琅琅朔風吹  
衣白日黃一雙白璧委道傍鴈兒啄啄秋無梁隨母北狩誰人  
將嗚呼三歌兮歌愈傷非爲兒女淚琳琅

有子有子風骨殊釋氏抱送徐卿雛四月八日摩尼珠榴花犀  
錢絡繹襦蘭湯百沸香如酥歛隨飛電飄泥途汝兄十三騎鯨  
魚汝今三歲知在無嗚呼四歌兮歌以吁燈前老我明月孤  
有妾有妾今何如大者手將玉蟾蜍次者親抱汗血駒晨妝靚  
服臨西湖英英鴈落飄瓊瑤風花飛墜鳥嗚呼金莖沉瀝浮汚  
渠天摧地裂龍鳳殂美人塵土何代無嗚呼五歌兮歌鬱紆爲  
爾迎風立斯須

我生我生何不辰孤根不識桃李春天寒日短重愁人北風隨  
我鐵馬塵初怜骨肉鍾奇禍而今骨肉相怜我汝在北兮嬰我  
懷我死誰當收我骸人生百年何醜好黃梁得喪俱草草嗚呼

六歌兮勿復道出門一笑天地老

釣臺歌

元范德機

吾慕嚴子陵隱居富春山故人乘六龍身隨魚鳥間羊裘大澤  
雪在涸忽來寧從人皇都掉頭不受諫大夫高風逸節何代無  
慎勿滄浪輕釣徒

仇工部古松歌

傅與礪

蒼松在山自奇古灌木翳之人不驚忽然圖向堂上壁蒲座歎  
息長風生交柯蝸走森晝晦其下將疑鬼神會霧雨寒霏虎豹  
毛雷霆怒折蛟龍背乃知巨筆老且神力幹造化雄千鈞皇天  
不夭棟梁具后土潛回霜雪春爾松已爲人愛惜見尔爲爾生  
顏色山中豈無材木倚絕壁未逢匠石嗟何益

鶴媒歌

洪武高季迪

鶴媒獨步荒陂水仰望雲間不飛起遠呼過鳥下南汀鼓翼相

迎似相喜共爲羽族生水鄉暫從飲啄無猜防草盾俄開中潛  
弩弋師謹咲媒衿舞嗟爾高縈非九禽胡爲徇食移此心受人  
馴養忘遠舉好陷同類機腸深嗚呼世間幾人號君子得利相  
傾亦如此

篋篋謠

謠類

唐李太白

攀天莫登龍走山莫騎虎貴賤結交心不移惟有嚴陵及光武  
周公稱大聖管蔡寧相容漢謠一斗粟不與淮南春兄弟尚路  
人吾心安所從他人方寸間山海幾千重輕言託朋友對面九  
疑峰多花必早落桃李不如松管鮑久已死何人繼其蹤

長淮謠

宋馬子才

長淮之水青如苔行人但覺心眼開湘江豈無水魚腹忠魂埋  
但見愁雲結雨猿聲哀浙江豈無水鷗革漂胥骸但見潮頭怒  
氣如山來孤臣詞客到江上何以寬心懷長淮之水遶楚流先

生家住淮上頭黃金萬斛浴明月碧玉一片含清秋酒花入口  
歌一聲淮上百物無閑愁

秋雨歎類

杜子美

雨中百草秋爛死階下決明顏色鮮著葉滿枝翠羽蓋開花無  
數黃金錢涼風蕭蕭吹汝急恐汝後時難獨立堂上書生空白  
頭臨風三嗅馨香泣

關風伏雨秋紛紛四海八荒同一雲去馬來牛不復辨濁涇清  
渭何當分禾頭生耳黍穗黑農夫田父無消息城中斗米換衾  
裯相許寧論兩相直

長安布衣誰比數反鎖衡門守環堵老夫不出長蓬蒿稚子無  
憂走風雨雨聲颼颼催早寒胡鴈翅濕高飛難秋來未曾見白  
日泥汚后土何時乾

歎庭前甘菊花

庭前甘菊移時晚青葉重陽不堪摘明日蕭條盡醉醒殘花爛  
熳開何益籬邊野外多衆芳采擷細瑣升中堂念茲空長大枝  
葉結根失所纏風霜

柟樹爲風雨所拔歎

倚江柟樹草堂前故老相傳二百年誅茅卜居揔爲此五月髣  
髴聞寒蟬東南飄風動地至江翻石走流雲氣幹排雷雨猶力  
爭根斷泉源豈天意滄波老樹性所愛浦上童童一青蓋野客  
頻留懼雪霜行人不過聽竿簾虎倒龍顛委榛棘淚痕血點垂  
曾臆我有新詩何處吟草堂自此無顏色

秋夜歎

宋朱晦庵

秋風浙瀝鳴清商秋草未死啼寒螿幽人起晤歎仰視河  
漢天中央河漢西流去不息人生辛苦何終極蒼山萬疊雲氣  
深去鍊形竟生羽翼

古釵歎

元吳維申

何年美人寶釵失深井沉泥污珠璣一朝拾得再揩磨三回五  
回看嘆息雙鸞匹鳳兩股勾終然污色難爲新當時光瑩照頭  
上有似桃李搖青春今人不識古儀狀寶釵雖好非時樣爲君  
挿罷擁髻悲物無貴賤皆隨時

湘弦怨

怨類

唐孟東野

昧者理芳草蒿蘭同一鋤狂飈怒秋林曲直同一枯嘉木忌深  
蠹哲人悲巧誣靈均入迴流漸尚爲良謨我願分衆衆清濁各  
異渠我願分衆衆衆鸞相遠居此志諒難保此情竟何如湘弦  
少知意孤響空踟躕

吳宮怨

衛萬

君不見吳王宮闕臨江起不卷珠簾見江水曉氣晴來雙闕間  
潮聲夜落千門裏勾踐城中非舊春姪蘇臺下起黃塵祗今唯

有西江月曾照吳王宮裏人

失釵怨

王仲初

貧女銅釵惜於玉失卻來來三日哭嫁時女伴與作粧頭戴此  
釵如鳳凰雙杯行酒六親喜我家新婦宜拜堂鏡中乍無失髻  
樣初起猶疑在床上高樓翠鈿飄舞塵明日從頭一遍新

商婦怨

元陳子上

嫁夫嫁商賈重利不重恩三年南海去寄信無回言妾身爲婦  
人不敢出閨門縫衣待君返請君看淚痕

金井怨

照水羞見影汲水嫌手冷閑立梧桐陰鳥啼秋夜永

松楸怨

徐天逸

菽水歡娛淺松楸感慨長西家白頭嫗門外倚斜陽

文章辨體卷之十四

文章辨體卷之十五

海虞後學吳訥編集

告諭

○周襄王不許晉文公請隧

按隧王之葬禮闕地通路曰隧真氏曰此篇要領在班先王大物以賞私德一語後云余敢以私勞變前大章蓋覆說也晉文定襄王自以不世大功其請隧也蓋窺大物之漸襄王目之曰私德曰私勞所以折其驕矜不遜之意玩其詞氣若優游而實峻烈真可爲告諭諸侯之法

晉文公旣定襄王于邲王勞之以地辭請隧焉王弗許曰昔我先王之有天下也規方千里以爲甸服以供上帝山川百神之祀以備百姓兆民之用以待不庭不虞之患其餘以均分公侯



伯子男各有寧宇以順及天地無逢其災害先王豈有賴焉肉  
官不過九御外官不過九品足以供給神祇而已豈敢猷縱其  
耳目心腹以亂百度亦惟是死生之服物采章以臨長百姓而  
輕重布之王何異之有今天降禍災於周室余一人僅亦守府  
又不佞以勤叔父而班先王之大物以賞私德其叔父實應且  
憎以非余一人余一人豈敢有愛也先民有言曰改玉改行叔  
父若能光裕大德更姓改物以創制天下自顯庸也而縮引取  
備物以鎮撫百姓余一人其流辟於裔土何辭之與有若由是  
姬姓也尚將列爲公侯以復先王之職大物其未可改也叔父  
其茂昭明德物將自至余敢以私勞變前之大章以忝天下其  
若先王與百姓何何政令之爲也若不然叔父有地而隧焉余  
安能知之文公遂不敢請受地而還

襄王止晉殺衛侯

溫之會晉人執衛成公歸之于周晉侯請殺之王曰不可夫政  
自上下者也上作政而下行之不逆故上下無怨今叔父作政  
而不行無乃不可乎夫君臣無獄今元咺雖直不可聽也君臣  
皆獄父子將獄是無上下也而叔父聽之一逆矣又爲臣殺其  
君其安庸刑布刑而不庸再逆矣一合諸侯而有再逆政余恐  
其無後也不然余何私於衛侯晉人乃歸衛侯

定王使王孫滿對楚子

楚子伐陸渾之戎遂至於雒觀兵于周疆定王使王孫滿勞楚  
子楚子問鼎之大小輕重焉對曰在德不在鼎昔夏之方有德  
也遠方圖物圖盡山川貢金九牧鑄鼎象物百物而爲之備使  
民知神姦故民入川澤山林不逢不若螭魅魍魎螭山神獸形  
魅怪物魍魎  
神莫能逢之用能協于上下以承天休桀有昏德鼎遷于商載  
祀六百商紂暴虐鼎遷于周德之休明雖小重也其姦回昏亂

雖大輕也天祚明德有所底止成王定鼎于郊廓卜世三十卜年七百天所命也周德雖衰天命未改鼎之輕重未可問也

定王辭鞏朔獻齊捷

晉侯使鞏朔獻齊捷于周王弗見使單襄公辭焉曰蠻夷戎狄不式王命淫汨毀常王命伐之則有獻捷王親受而勞之所以懲不敬勸有功也兄弟甥舅侵敗王略王命伐之告事而已不獻其功所以敬親暱禁淫慝也今叔父克遂有功于齊而不使命卿鎮撫王室所使來撫余一人而鞏伯實來未有職司於王室又奸先王之禮余雖欲於鞏伯其敢廢舊典以忝叔父夫齊甥舅之國也而太師之後也寧不亦淫從其欲以怒叔父抑豈不可諫誨士莊伯不能對王使委於三吏禮之如侯伯克敵使大夫告慶之禮降於卿禮一等

景王使詹桓伯責晉

周廿人與晉閻嘉爭閻田晉梁丙張趯率陰戎伐潁王使詹桓伯辭於晉曰我自夏以后稷魏駘丙岐畢吾西土也及武王克商蒲姑商奄吾東土也巴濮楚鄧吾南土也肅慎燕亳吾北土也吾何邇封之有文武成康之建舅弟以蕃屏周亦其廢陳是爲豈如弁髦而因以敝之先王居櫛杌于四裔以禦魑魅故允姓之姦居于瓜州伯父惠公歸自秦而誘以來使偪我諸姬入我郊甸則戎焉取之戎有中國誰之咎也后稷封殖天下今戎制之不亦難乎伯父圖之我在伯父猶衣服之有冠冕木水之有本原民人之有謀主也伯父若裂冠毀冕拔本塞原專棄謀主雖戎狄其何有余一人叔向謂宣子曰文之伯也豈能收物翬戴天子而加之以共自文以來世有衰德而暴蔑宗周以宣示其侈諸侯之貳不亦宜乎且王辭直子其圖之宣子說王有姻喪使趙成如周弔且致閻田與襚反潁俘王亦使賓滑執甘

大夫襄以說於晉晉人禮而歸之

敬王告晉請城成周

王使富辛與石張如晉請城成周天子曰天降禍于周俾我兄弟並有亂心以爲伯父憂我一二親暱甥舅不皇啓處於今十年勤戍五年余一人無日忘之閔閔焉如農夫之望歲懼以待時伯父若肆大惠復二文之業弛周室之憂徼文武之福以固盟主宣昭令名則余一人有大願矣昔成王合諸侯城成周以爲東都崇文德焉今我欲徼福假靈于成王修成周之城俾成人無勤諸侯用寧暨賊遠屏晉之力也其委諸伯父實重圖之俾我一人無微怨于百姓而伯父有榮施先王庸之范獻子謂魏獻子曰與其戍周不如城之天子實云雖有後事晉勿與知可也從王命以紓諸侯晉國無憂是之不務而久焉從事魏獻子曰善使伯音對曰天子有命敢不奉承以奔告於諸侯遲速

衰序於是焉在

按周之望晉切矣而范輟乃曰雖有後事晉勿與知豈誠於圖王室者哉此伯業之所以衰也

右周天子告諭諸侯之辭

魯季文子語晉韓穿

晉侯使韓穿來言汶陽之田歸之于齊魯侯使季文子餞之曰  
大國制義以爲盟主是以諸侯懷德畏討無有貳心謂汶陽之  
田敝邑之舊也而用師於齊使歸諸敝邑今有二命曰歸諸齊  
信以行義義以成命小國所望而懷也信不可知義無所立四  
方諸侯其誰不解體詩曰女也不爽士貳其行士也罔極二三  
其德七年之中一與一奪二三孰甚焉士之二三猶喪妃耦而  
况霸主霸王將德是以用而二三之其何以長有諸侯乎詩曰  
猶謀也之未遠是用大簡諫也行父懼晉之不遠猶而失諸侯也是  
以敢言之

○晉侯使昌相絕秦

晉侯使呂相絕秦曰昔逮我獻公及穆公相好戮力同心申之以盟誓重之以昏姻天禍晉國文公如齊惠公如秦無祿獻公即世穆公不忘舊德俾我惠公用能奉祀于晉又不能成大勲而爲韓之師亦悔于厥心用集我文公是穆之成也文公躬擐甲胄跋履山川踰越險阻征東之諸侯虞夏商周之胤而朝諸秦則亦既報舊德矣鄭人怒君之疆場我文公帥諸侯及秦圍鄭秦大夫不詢于我寡君擅及鄭盟諸侯疾之將致命于秦文公恐懼綏靜諸侯秦師克還無害是我有大造于西也無祿文公即世爲不弔蔑死我君寡我襄公迭我殽地奸絕我好伐我保城殄滅我費滑散離我兄弟撓亂我同盟傾覆我國家我襄公未忘君之舊勲而懼社稷之隕是以有殽之師猶願赦罪于穆公穆公弗聽而即楚謀我天誘其衷成王預命穆公是以不克逞志于我穆襄即世康靈即位康公我之自出又欲闕翦我

公室傾覆我社稷帥我螫賊以來蕩搖我邊疆我是以有令狐之役康猶不悛入我河曲伐我涑川俘我王官翦我羈馬我是以有河曲之戰東道之不通則是康公之絕我好也及君之嗣也我君景公引領西望曰庶撫我乎君亦不惠稱盟利吾有狄難入我河縣焚我箕郤芟夷我農功虔劉我邊垂我是以有輔氏之聚君亦悔禍之延而亦徼福于先君獻穆使伯車來命我景公曰吾與女同好棄惡復修舊德以追念前勲言誓未就景公即世我寡君是以有令狐之會君又不祥背棄盟誓白狄及君同州君之仇讐而我昏姻也君來賜命曰吾與女伐狄寡君不敢顧昏姻畏君之威而受命于吏君有二心於狄曰晉將伐女狄應且憎是用告我楚人惡君之二三其德也亦來告我曰秦背令獵之盟而來求盟于我昭告昊天上帝秦三公楚三王曰余雖與晉出入余唯利是視不穀惡其無成德是用宣之以



懲不一諸侯備聞此言斯是用痛心疾首懼就寡人寡人帥以  
聽命唯好是求君若惠顧諸侯矜寡寡人而賜之盟則寡人之  
願也其承寧諸侯以退豈敢微亂君若不施大惠寡人不佞其  
不能以諸侯退矣敢盡布之執事俾執事實圖利之秦桓公既  
與晉厲公爲令狐之盟而又召狄與楚欲道以伐晉諸侯是以  
睦於晉

子產對晉人問獻捷

鄭子產獻捷于晉戎服將事晉人問陳之罪對曰昔虞閼父爲  
周陶正以服事我先王我先王賴其利器用也與其神明之後  
也庸以元女大姬配胡公而封諸陳以備三恪則我周之自出  
至于今是賴桓公之亂蔡人欲立其出我先君莊公奉五父而  
立之蔡人殺之我又與蔡人奉戴厲公至於莊宣皆我之自立  
夏氏之亂成公播蕩又我之自入君所知也今陳忘周之大德

蔑我大惠棄我姻親介恃楚衆以馮陵我敝邑不可億逞我是  
以有往年之告未獲成命則有我東門之役當陳隧者并堙木  
刊敝邑大懼不競而耻大姬天誘其衷啓敝邑心陳知其罪授  
手于我用敢獻功晉人曰何故侵小對曰先王之合唯罪所在  
各致其辟且昔天子之地一圻列國一同自是以衰今大國多  
數圻矣若無侵小何以至焉晉人曰何故戎服對曰我先君武  
莊爲平桓卿士城濮之役文公布命曰各復舊職命我文公戎  
服輔王以授楚捷不敢廢王命故也士莊伯不能詰復於趙文  
子文子曰其辭順犯順不祥乃受之冬十月子展相鄭伯如晉  
拜陳之功子西復伐陳陳及鄭平仲尼曰志有之言以足志文  
以足言不言誰知其志言之無文行而不遠晉爲伯鄭入陳非  
文辭不爲功慎辭哉

衛祝佗爭先蔡

劉文公合諸侯于召陵謀伐楚也將會衛子行敬子言於靈公曰會同難嘖有煩言莫之治也其使祝佗從公曰善乃使子魚及臯鼫將長蔡於衛衛侯使祝佗私於萇弘曰聞諸道路不知信否若聞蔡將先衛信乎萇弘曰信蔡叔康叔之兄也先衛不信亦可乎子魚曰以先王觀之則尚德也昔武王克商成王定之選建明德以蕃屏周故周公相王室以尹天下於周爲睦分魯公以大路大旂夏后氏之璜封父之繁弱殷氏六族條氏徐氏蕭氏索氏長勺氏尾勺氏使帥其宗氏輯其分族將其類醜以法則周公用即命于周是使之職事于魯以昭周公之明德分之土田陪敦祝宗卜史備物典策官司彝器因商奄之民命以伯禽而封於少皞之虛分康叔以大路少帛綬袞旃旌大呂殷氏七族陶氏施氏繁氏錡氏樊氏饑氏終葵氏封畛土略自武父以南及圃田之北竟取於有閭之土以供王職取於相土之

東都以會王之東蒐聘季授上陶叔授民命以康誥而封於殷  
虛皆啓以商政疆以周索分唐叔以太路密須之鼓闕鞏沽洗  
懷姓九宗職官五正命以唐誥而封於夏虛啓以夏政疆以戎  
索三者皆叔也而有令德故昭之以分物不然文武成康之伯  
猶多而不獲是分也唯不尚年也管蔡啓商其間王室王於是  
乎殺管叔而蔡蔡叔以車七乘徒七十人其子蔡仲改行帥德  
周公舉之以爲已卿士見諸王而命之以蔡其命書云王曰胡  
無若爾考之違王命也若之何其使蔡先衛也武王之毋弟八  
人周公爲大宰康叔爲司寇聃季爲司空五叔無官豈尚年哉  
曹文之昭也晉武之穆也曹爲伯甸非尚年也今將尚之是反  
先王也晉文公爲踐土之盟衛成公不在夷叔其毋弟也猶先  
蔡其載書云王若曰晉重魯申衛武蔡甲午鄭捷齊潘宋王臣  
昔期藏往周府可覆視也吾子欲復文武之略而不正其德將

如之何長弘說告劉子與范獻子謀之乃長衛侯於盟

○王孫圉對趙簡子

王孫圉聘於晉定公饗之趙簡子鳴玉以相問於王孫圉曰楚之白珩猶在乎對曰然簡子曰其爲寶也幾何矣曰未嘗爲寶楚之所寶者曰觀射父能作訓辭以行事於諸侯使無以寡君爲口實又有左史倚相能道訓典以叙百物以朝夕獻善敗于寡君使寡君無忘先王之業又能上下說媚于鬼神順道其欲惡使神無有怨痛疾于楚國又有數曰雲連徒洲金木竹箭之所生也龜珠角齒皮革羽毛所以備賦用以戒不虞者也所以共幣帛以賓享於諸侯者也若諸侯之好幣具而導之以訓辭有不虞之備而皇神相之寡君其可以免罪於諸侯而國民保焉此楚國之寶也若夫白珩先王之玩也何寶焉圉聞國之寶六而已聖能制議百物以輔相國家則寶之玉足以庇廕嘉穀

使無水旱之災則寶之龜足以憲燕否則寶之珠足以禦火災則寶之金足以禦兵亂則寶之山林數澤足以備財用則寶之若夫譁囂之美楚雖蠻夷不能寶也

子大叔對范獻子

是時王室亂尹氏立王子朝

鄭伯如晉子大叔相見范獻子獻子曰若王室何對曰老夫其國家不能恤敢及王室抑人亦有言曰發不恤其緯而憂宗周之隕爲將及焉今王室實蠢蠢焉吾小國懼矣然大國之憂也吾儕何知焉吾子其早圖之詩曰餅之罄矣惟嚳之耻王室之不寧晉之耻也獻子懼而與宣子圖之乃徵會於諸侯期以明年右春秋列國往來應對之辭

璽書

漢文帝賜南越尉佗書

依綱目節本

皇帝謹問南越王朕高皇帝側室之子也棄外奉北藩千代道里遼遠壅蔽樸愚未嘗致書高皇帝棄群臣孝惠皇帝即世高后自臨事不幸有疾諸呂爲變賴宗廟之靈功臣之力誅之已畢朕以王侯吏不釋之故不得不立乃者聞王遣將軍隆慮侯書求親昆弟請罷長沙兩將軍朕以王書罷將軍博陽侯親昆弟在真定者已遣人存問修治先人冢前日聞王發兵於邊爲寇災不止當其時長沙苦之南郡尤甚雖王之國庸獨利乎必多殺士卒傷良將吏寡人之妻孤人之子獨人父母得一亡十朕不忍爲也得王之地不足以爲大得王之財不足以爲富服領以南王自治之雖然王之號爲帝兩帝並立亡一乘之使以通其道是爭也爭而不讓仁者不爲也願與王分棄前患終今以來通使如故故使賈馳諭告王朕意上褚五十衣中褚三十衣下褚二十衣遺王王宜受之

答晁錯璽書

真氏曰家令小臣而帝賜以璽書詞又溫厚如此豈非隆謙好善之主哉

皇帝問太子家令上書言兵體三章聞之書言狂夫之言而明主擇焉今則不然言者不狂而擇者不明國之大患故在於此使夫不明而擇於不狂是以萬聽而萬不當也

武帝賜嚴助書

君厭承明之廬勞侍從之事懷故土出爲郡吏會稽東接於海南遊諸越北枕大江間者閭焉久不聞問具以春秋對毋以蘇秦縱橫

宣帝賜趙充國書

真氏曰宣帝充國君臣間論難往復猶家人父子唯諾然君明臣忠千載之下猶可師也充國奏見



後秦疏中

皇帝問後將軍甚苦暴露將軍計欲至正月乃擊罕羌羌人當  
獲麥已遠其妻子精兵萬人欲爲酒泉燉煌寇邊兵少民守保  
不得由作今張掖以東粟石百餘芻橐束數十轉輸並起百姓  
煩擾將軍將萬餘之衆不早及秋共水草之利爭其畜食欲至  
冬虜皆當畜食多藏匿山中依險阻將軍士寒手足皸瘃寧有  
利哉將軍不念中國之費欲以歲數而勝微將軍誰不樂此者  
今詔破羌將軍武賢將兵六千一百人燉煌太守快將二千人  
長水校尉富昌酒泉侯奉世將娼月氏兵四千人亡慮萬二千  
人齎三十日食以七月二十二日擊罕羌入鮮水北句廉上去  
酒泉八百里去將軍可千二百里將軍其引兵便道西並進雖  
不相及使虜聞東方北方兵並來分散其心意離其黨與雖不  
能殄滅當有瓦解者已詔中郎將卬將胡越攸飛射士步兵二

校尉益將軍兵今五星出東方中國大利蠻夷大敗太白出高  
用兵深入敢戰者吉弗敢戰者凶將軍急裝因天時誅不義萬  
下以全勿復有疑

二

後將軍聞苦腳脛寒泄將軍年老加疾一朝之變不可諱朕甚  
憂之今詔破羌將軍諸屯所爲將軍副急因天時大利吏士銳  
氣以十二月擊羌零羌即疾刺留屯毋行獨遣破羌疆弩將軍

三

皇帝問後將軍言欲罷騎兵萬人留田即如將軍之計虜當何  
時伏誅兵當何時得決熟計其使復奏

四

皇帝問後將軍言十二使聞之虜雖未伏誅兵決可期月而望  
期月而望者謂今冬邪謂何時也將軍獨不計虜聞兵可罷且

下壯相聚攻擾田者及道上屯兵復殺略人民將何以止之又  
太开小开前言曰我告漢軍先零所在兵不往擊又留得亡校  
五年時不分別人而并擊我其意常恐今兵不出得亡變生與  
先零爲一將軍就計復奏

五

皇帝問後將軍上書言羌虜可勝之道今聽將軍將軍計善其  
上留屯及當罷者人馬數將軍彊食慎兵事自愛

成帝諭東平王宇璽書

皇帝問東平王蓋聞親親之恩莫重於孝尊尊之義莫大於忠  
故諸侯在位不驕以致孝道制節謹度以翼天子然後富貴不  
離其身而社稷可保今聞王自修有闕本朝不和流言紛紛謗  
自內興朕甚惜焉爲王懼之詩不云乎毋念爾祖聿修厥德永  
言配命自求多福朕惟王之春秋方剛忽於道德意有所移恐

言未納故臨遣太中大夫子蟠諭王朕意孔子曰過而不改斯謂過矣王其深惟熟思之無違朕意

光武賜馮異璽書△

三輔遭王莽更始之亂重以赤眉延岑之亂元元塗炭無所依訴今之征伐非必畧地屠城要在平定安集之耳諸將非不健關然好虜掠卿本能御吏士念自修勅無爲郡縣所苦

勞馮異璽書

赤眉破平士吏勞苦始雖垂翅回谿終能奮翼澠池可謂失之東隅收之桑榆方論功賞以答大勲

報耿弇璽書△

昔韓信破歷下以開基今將軍攻祝阿以發迹蓋皆齊之西界功足相方而韓信襲擊已降將軍獨拔勅敵其功又難於信也又田橫烹酈生及田橫降高帝詔衛尉不聽爲仇張步前亦殺

伏隆若步來歸命吾當詔大司徒釋其怨又事尤相類也將軍前在南陽建此大策常以爲落落難合有志者事竟成也

章帝報東平王蒼璽書

丙寅所上便宜三事朕親自覽讀反覆數周心開目明曠然發蒙間吏人奏事亦有此言但明智淺短或謂儻是復慮爲非何者災異之降緣政而見今改元之後年飢人流此朕之不德感應所致又冬春旱甚所被尤廣雖內用克責而不知所定得王深策快然意解詩不云乎未見君子憂心忡忡旣見君子我心則降思惟嘉謀以次奉行冀蒙福應彰報至德

和帝報梁王暢書

朕惟王至親之屬淳淑之美傳相不良不能防邪至今有司紛紛有言今王深思悔過端自克責朕惻然傷之王其安心靜意茂率休德易不云乎一謙而四益小有言終吉強食自愛

唐太宗賜李大亮書

朕以卿兼資文武志懷貞忠故委藩牧當茲重寄比在州鎮聲績遠彰念此忠勤無忘寤寐使遣獻鷹隼不曲順論今引古遠獻直言披露腹心非常儼到覽用嘉歎不能已已有臣若此朕復何憂宜守此誠終始若一詩云靖恭尔位好是正直神之聽之介尔景福古人稱一言之重侔於千金卿之此言深足貴矣今賜卿金盃餅金碗各一枚雖無千鎰之重是朕自用之物卿立志方直竭節至公處職當官每副所委方大任使以申重寄公事之閑宜觀典籍兼賜卿荀悅漢紀一部此書叙至簡要論議深博極爲政之體盡君臣之義今以賜卿宜加尋閱

答魏徵書

省頻抗表誠極忠欵言窮切至禮覽忘倦每達宵分非公體國情深啓沃義重豈能示以良圖匡其不及朕聞晉武帝平吳已

後務在驕奢不復留心治政何曾退朝謂其子劭曰吾每見主  
上不論經國遠圖但說平生常語此非貽厥子孫者也尔身猶  
可以免指諸孫曰此等必遭亂死及孫綏果爲淫刑所戮前史  
美之以爲明於先見朕意不然曾之不忠其罪大矣夫爲人臣  
當進思竭誠退思補過將順其美匡救其惡所以共爲治也曾  
位極台司名器崇重當直詞正諫論道佐時今乃退有後言進  
無廷諍以爲明智不亦謬乎顛而不扶安用彼相公之所陳也  
朕聞過矣當置之几案事等韋弦必望收彼桑榆期之歲暮不  
使康哉良哉獨盛於往日若魚若水遂爽於當今遲復嘉謀犯  
而無隱朕將虛襟靜志敬佇德音

宋哲宗答韓絳書

覽所上劄子陳乞致仕事具悉爲天下計則賢者常勞爲人臣  
謀則老者當逸今朝廷待卿之意酌處其中奉朝請於琳宮所

以係民望釋負荷於留籥所以慰雅懷勉及康和亟還朝者已  
降勅命差卿充集禧觀使書到日可發來赴闕夏熟卿比平安  
好遣書旨不多及

宋神宗獎諭司馬光書

史學之廢久矣紀次無法論議不明豈足以示懲勸明久遠哉  
卿博學多聞貫穿古今上自晚周下迄五代發揮綴緝成一家  
之書褒貶去取有所據依省閱以還良深嘉歎今賜卿銀絹對  
衣腰帶鞍轡馬具如別錄至可領也故茲獎諭想宜知悉冬寒  
卿比平安好遣書旨不多及

批答

漢宣帝報張安世上侯印不允批答

將軍年老被病朕甚憫之雖不能視事拆衝萬里君先帝大臣  
明於治亂朕所不及得數問焉何感而上書歸衛將軍富平侯



印薄朕忘故非所望也願將軍彊餐食近鑒藥專精神以輔天年

唐太宗答劉洎

非慮無以臨下非言無以述慮比有談論遂至煩多輕物驕人恐由茲道形神心氣非此爲勞今聞讜言虛懷以改

宋仁宗賜新除宰臣富弼讓恩命不允批答

卿有憂國愛君之心而忠以忘其已有經邦濟時之學而用未究其能夫畜乂而積厚則施之不窮慮深而計熟則謀無不獲茲朕所以虛心仄席有望於卿也矧卿正直不回庸邪素忌小人所異君子所同是以在外十年而左右之譽不及履躬一德而縉紳之望愈隆朕內決於心外詢于衆敢謂有得卿其何辭

賜宰臣富弼乞解機務不允批答

夫宰相之事非可以歲月考而一二數也其在朝廷選賢任能而各得其職下俾民俗遷善遠罪而不知其然至於法度脩紀

同平然後相與慎守而安行之以臻于治此朕所以虛心一意  
日有望於卿者也今事有緒而卿辭焉豈朕德之不明將顧時  
之不可中道而止夫何爲哉俾予獲用材不盡之譏而卿涉苟  
安自便之計予所不取卿其勉焉

英宗賜歐陽脩乞退不允批答

夫與政之途蓋天下之資至者叢矣顧雖智勇不能以禦流眚  
嚮之來前日御史加非於卿朕惟其辭甚悖於義理今讒者放  
而疑者釋卿猶欲以去位豈朕所望焉傳不云乎禮樂不愆何  
恤人之言其起眎事毋重朕之不敏也

神宗賜知亳州歐陽脩乞致仕不允批答

卿勲德之舊簡在帝心從容一州足以休養而抗奏至於四五  
必以田里爲歸豈朕視遇故老有不足於禮乎何其求去之果  
也欲喻至意莫知所言惟能勉留實副勤佇

賜宰臣韓絳上尊號不允批答

朕聞唐虞之世君臣吁咷相與勸戒以康庶事未聞其自耀功德大爲名稱以動天下之聽朕以涼菲獲承皇緒固已極崇高之位號矣嚮者奉郊宗之祀三事大夫亦屢以徽冊來上而愧不敢從方且嘉與衆賢夙寤晨興以營極治之業要之萬世建無窮之基亦有無窮之聞不猶愈於虛名歟臣之尊君義則勤至朕守弗奪毋煩數陳

賜宰臣王安石乞御正殿復常膳不允批答

垂象之變咎在朕躬內惟非涼敢不祗懼避朝損膳欽天之渝神休霞動銷去大異而三事庶尹咸造在庭願復舊常至于再三且星降畧德猶賴交修況天畏罪忱固當屢省弭裁嚮福其張幾焉

文章辨體卷之十五